



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. III. Vnde in peccatis petatur inæqualitas in gravitate & malitia?

[urn:nbn:de:hbz:466:1-77355](#)

ARTICVLVS III.

Vnde in peccatis petatur inæqualitas in gravitate & malitia?

22. **S**icut in rebus aliis datur ratione perfectio quædam quantitas & magnitudo, sive modis, sive virtutis, ita & in peccatis, ratione malitiae & imperfectionis, proportionata magnitudo & quantitas virtualis inventur, quæ peccati gravitas à Theologis communiter appellatur: quia scilicet sicut corpora inferius sùa gravitate feruntur, & à superiori loco removentur; sic rationalis creatura peccatis suis & eorum magnitudine, infra se miserè dejicitur, & à supremo bono separatur. Hæc autem gravitas seu malitia peccati duplex est, nempe essentialis, & accidentalis: de quibus breviter hic agendum est, & explicandum unde earum inæqualitas desumatur. Unde

Dico primò, inæqualitatem essentialēm peccatorum sumi ex objecto. Ita D. Thomas hic art. 3.

Probatur: Quætitas seu gravitas essentialis peccati petitur ex eo ex quo differentia ejus specifica sumitur: Sed hæc sumitur ex objecto, ut in tractatu de moralitate actuum humanorum fuse ostendimus: Ergo & illa. Unde tantò aliquod peccatum secundum suam essentialēm & speciem est gravius, quanto objectum circa quod versatur est pejus: quia gravitas peccatorum (inquit S. Doctor) differt modo, quo una agitudo est alia gravior: sicut enim bonum sanitatis consistit in quadam commensuratione humorum, per convenientiam ad naturam animalis; ita bonum virtutis consistit in quadam commensuratione humani actus, secundum convenientiam ad regulam rationis. Manifestum est autem quid tantò gravior est agitudo, quanto tollit debita humorum commensuratio per commensurationem prioris principii: sicut agitudo qua provenit in corpore humano ex corde, quod est principium vita, vel ex aliquo quod appropinquat cordi, periculoso est; unde oportet etiam quod peccatum sit tantò gravius, quanto deordinatio contingit circa aliquod principium quod est prius in ordine rationis. Ratio autem ordinat omnia in agibilibus ex fine: & idè quanto peccatum contingit in actibus humanis ex altiori fine, tanto peccatum est gravius: objecta autem actuum sunt fines eorum, ut ex supra d'ëis patet: & idè secundum diversitatem objectorum attenditur diversitas gravitatis in peccatis. Ex quo

24. Inferes primò, peccata contra Deum (quælia sunt ea quæ opponuntur virtutibus Theologicis, religioni & penitentiæ) esse omnium gravissima; & deinde ea quæ sunt contra substantiam hominis, ut homicidium; & ultimò ea quæ sunt contra res externas hominis, ut furium. Ratio est, quia res exteriores sunt propter ipsum hominem tanquam propter finem, & homo propter Deum. Ita S. Thomas in calce ejusdem art. 3. & qu. 2. de malo art. 10. ubi sic discurrit: *Gravissimum peccatum dicitur ex suo generi, quod majori bono virtutis opponitur: unde cum bonum virtutis consistat in ordinatione amoris, ut Augustinus dicit, Deum autem super omnia diligere debeamus, peccata quæ sunt in Deum, sicut idololatria, blasphemia, & hujusmodi, sc-*

Acundum suum genus sunt reputanda gravissima: Inter peccata autem quæ sunt in proximum, tanto aliqua sunt alii graviora, quam majori bono proximi opponuntur: maximum autem bonum proximi est ipsa vita hominis, cui opponitur peccatum homicidii, quod tollit actualem hominis vitam; & peccatum luxurie, quod opponitur vita hominis in potentia, quia est inordinatio quedam circa ætum generationis humanae: unde inter omnia peccata, quæ sunt in proximum, gravius est homicidium secundum suum genus: secundum locum tenet adulterium, & fornicatio, & hujusmodi peccata carnalia: tertium autem locum tenet furium, rapina, & hujusmodi, per quæ in exterioribus bonis ladiuntur proximi.

Inferes secundum cum codem S. Doctore hic art. 4. illud peccatum esse gravius simpliciter & secundum speciem, quod opponitur virtuti præstantiori; qui habet objectum in ratione objecti pejus, & magis rationi repugnans: nam virtus & virtutum ipsi contrarium respiciunt eandem materiam; differunt verò formaliter in ratione objectorum, quia in illa materia, in qua virtus ponit æqualitatem & commensurationem cum ratione, virtutum hujusmodi æqualitatem destruit, & ponit oppositam incommensurationem; & sicut prædicta materia constituit in ratione objecti specificativi virtutis per prædictam commensurationem, ita per oppositam incommensurationem constituitur formaliter in ratione objecti virtutis & peccati. Ex quo fit, quod sicut inæqualitas & incommensuratio, quam ponit virtutum in illa materia, non est minor quam opposita commensuratio & æqualitas, quam ponit virtus; ita prædictum objectum non minus dissonat rationi in esse objecti virtutis, & ut attingibile est per actum peccati, quam consonat illi in ratione objecti virtutis, & ut est attingibile per actum bonum: si igitur in hac ratione fuerit melius, & idcirco specificer nobiliorem virtutem, consequens erit ut in illa priori sit pejus, tribuatque speciem gravioris peccati.

Confirmatur: Peccatum quod contrariatur perfectiori virtuti, ex sua specie habet corrumpere & destruere majus bonum, cum destruat & corruptat medium ipsius virtutis: Ergo ex sua specie est gravius & deterius peccatum.

Pro pleniori hujus corollarij intelligentia, & multorum argumentorum solutione, quæ fuse expendunt Salmantenses disput. 9. dubio 4. S. 2. In primis admittendum est, quod cum dicimus illud peccatum esse gravius secundum suam speciem, quod opponitur perfectiori virtuti, intelligentium est de oppositione secundum objectum primarium & principale talis virtutis: si enim peccatum opponatur perfectiori virtuti, solum quoad objectum secundarium, non idè erit gravius, ut patet in odio proximi, quod quia non contrariatur charitati, ut tendit in objectum primarium, nempe Deum, sed ut fertur in objectum secundarium, scilicet proximum, non est gravissimum omnium peccatorum. Unde Divus Thomas 2. 2. qu. 39. art. 2. docet schisma, quamvis opponatur charitati, esse minus peccatum quam sit infidelitas; & in tertio argumento sibi objicit: *Majori malo majus bonus opponitur, ut patet per Philosophum in 8. Ethic. Sed schisma opponitur charitati, quæ est major virtus quam fides, cui opponitur infidelitas: Ergo schis-*

ma

DE COMPARATIONE PECCATORVM AD INVICEM. 401

ma est maius peccatum quam infidelitas. Cui objectioni sic responderet: *Ad tertium dicendum quod caritas habet duo objecta; unum principale, scilicet bonitatem divinam; & aliud secundarium, scilicet bonum proximi: scilicet autem, & alia peccata que sunt in proximum, opponuntur charitati quantum ad secundarium bonum, quod est minus quam objectum fidei, quod est ipse Deus: & ideo ista peccata sunt minora quam infidelitas. Sed odium Dei quod opponitur charitati, quantum ad principale objectum, non est minus.*

27. Secundo advertendum est, peccatum quod opponitur inferiori virtuti, si includat etiam oppositionem cum superiori virtute, ratione hujus inclusionis posse superare illud quod majori virtuti opponitur: unde adulterium, quod castitati opponitur, secundum suam speciem gravius est, quam furum, quod opponitur iustitia, quamvis haec sit perfectior virtus quam illa; quia in adulterio, simul cum oppositione ad castitatem, clauditur oppositio ad ipsam iustitiam.

28. Tertiū observati debet, quod peccata inter quae sit comparatio, habere debent eundem modum oppositionis ad virtutem, ita quod aut utrumque opponatur illi contrariè, aut utrumque privativè, subindeque utrumque sit peccatum commissionis, vel utrumque omissionis: si autem unum sit commissionis, quod opponitur contrariè, & aliud omissionis, quod opponitur tantum privativè, valde probabile est, quod etiam si hoc posterius perfectiori virtuti opponatur, poterit tamen esse minus grave quam illud, quia diversus iste modus oppositionis non parum eorum mutat gravitatem. Unde probabilitate dici potest, peccatum homicidij, quod iustitia opponitur, esse gravius secundum suam speciem, quam omissionem faci, quae opponitur religioni; quamvis religio sit perfectior quam iustitia. Ex his principia ad veritatem sententia fundamenta solvuntur. Ad majorem tamen claritatem

29. Objicies primò: D. Thomam infra qu. 84. art. 4. ad 1. ait: *Non oporret quod principalia vitia opponantur principalibus viriis.* Et 2. 2. qu. 142. art. 3. docet quod intemperantia est gravius peccatum quam timiditas; & nihilominus fortitudo, cui timiditas opponitur, est major virtus quam temperantia, ut asserit idem S. Doctor supra qu. 66. art. 2. & 2. 2. qu. 123. art. 12. & qu. 5. de virtut. art. 3. Ergo virtus illa & peccata non sunt pejora, quae præstantioribus virtutibus opponuntur.

30. Ad primum respondeo D. Thomam per virtutem principaliā non intelligere graviora secundum malitiam, sed capitalia, sic dicta, quia sunt veluti capita & fontes ex quibus alia derivantur; & velle solum, non esse necessarium quod illa directè opponantur virtutibus cardinalibus, cum avaritia sit vitium capitale, & tamen opponatur liberaliter.

31. Ad secundum dicendum, D. Thomam solum velle, quod licet timiditas quantum ad malitiam specificam & essentialē, desumptam ex proprio & formalē objecto, sit gravius peccatum intemperantia; ita tamen accidentaliter, ratione circumstantiarum quae se tenent tam ex parte objecti, quam ex parte operantis, maximè verò ex ratione voluntarii, quia in ea maior est ac intensior, illam in malitia & gravitate

A excedit; unde cùm loco citato ex 2. 2. ait: *Vnum vitium potest alteri comparari dupliciter: uno modo ex parte materia vel objecti, alio modo ex parte ipsius hominis peccantis;* & utroque modo intemperantia est gravius vitium quam timiditas: per gravitatem ex parte materiæ, vel objecti, non intelligit gravitatem specificam & essentialē, sed gravitatem accidentalem, desumptam ex aliquibus circumstantiis objectivis.

Dices: Timiditas, quantumcumque crescat intra suum genus, non pertinet ad gravitatem mortalis, & ideo necesse non est hujusmodi peccatum in confessione aperire; cùm tamen plura peccata ex his quae opponuntur temperantia, ex proprio genere sint mortalia, ut patet in fornicatione, adulterio, & similibus: Ergo intemperantia ex objecto, & non tantum ex circumstantiis, est vitium seu peccatum gravius quam timiditas.

32. Respondent aliqui negando Antecedens, quantum ad primam partem: existimant enim quod timiditas potest esse peccatum mortale, si materia sit gravis, putat si quis propter metum mortis, vel tormentorum, neget fidem, vel tradat civitatem. Sed haec solutio non probatur: quia, ut rectè dicunt Salmantenses, neque timiditas, ^{Diss. 9.} neque aliud peccatum fortitudini oppositum, ^{dub. 4.} præcisè intra suum genus habet quod repugnet ^{9. 3.} charitati, neque est contra bonum Dei aut ^{num.} 64. ximi (quod est de ratione mortalis peccati) sed consistit in sola inordinatione circa passiones irascibilis; sicut gula consistit in deordinatione passionum concupisibilis: Ergo sicut haec propter hanc rationem non attingit intra suum genus ad rationem mortalis, ita nec illa. Unde

Meliūs cum iisdem Authoribus, & aliis D. Thomæ Discipulis respondetur, negando secundam partem Antecedentis: nam etiam peccata intemperantia opposita, ut subsistunt præcisè intra genus intemperantia, non habent pertinere ad gravitatem peccati mortalis, sicut dictum est de peccatis contra fortitudinem. Si enim ratio tradita in peccatis fortitudini oppositis vim habet, eo quod sicut in deordinatione passionum irascibilis, à fortiori idem convincere debet in peccatis oppositis temperantia, quae secundum quod ei duntaxat opponuntur, sicut in deordinatione passionum concupisibilis, nec charitati, sive quoad bonum Dei, sive quoad bonum proximi, repugnat. Unde quod peccata contra castitatem, aut contra aliam partem temperantia, sint ex suo genere mortalia, convenit illis ex eo quod simul cum oppositione ad temperantiam includant oppositionem ad iustitiam, vel ad alias virtutes temperantia perfectiores; ut de adulterio perspicuum est, cum in eo fiat iustitia conjugi; & de stupro ac raptu, in quo fiat iuria virginis, aut parentibus; & de incestu, in quo fiat irreverentia sanguini, quod pietati repugnat. Idem dicendum de fornicatione, quae etiam habet aliquid iustitiae admixtum, cum per illum fiat iuria proli nascituræ, inquantum debita educatio & institutio ipsius impeditur. *Nequis obstat* (inquit S. Doctor 2. 2. qu. 154. art. 2.) *si aliquis formicando sufficienter provideat prole de educatione: quia id quod cadit sub legis determinatione, judicatur secundum id quod communiter accidit, & non secundum id quod in alio casu potest accidere.*

Dices: *Sicutem in peccatis contra naturam*

Eee

Tom. III.

nulla reperitur injustitia; cum nulla ibi experietur proles, cuius educatio possit impediri.

Respondeo primò in peccatis contra naturam aliquam speciem injustitiae includi: tum quia illa obstant generationi prolis, ad quam semen humanum à natura institutum est: tum etiam quia per illa ordo naturae violatur, subindeque & naturae, & ejus authori maxime irrogatur injuria. Unde D. Thomas 2. 2. qu. citata art. 12. ad t. ait quod in peccatis contra naturam, in quibus ipse ordo naturae violatur, sit injuria ipsi Deo ordinatori nature. Secundò dico certe, quod licet hujusmodi peccata non includant specialem oppositionem ad justitiam strictè sumptam, habent tamen oppositionem ad aliquid altius virtute; quia opponuntur ipsi bono speciei humanae, & naturali ordini communis ad quem virtutes ordinantur, & qui à Deo immedie procedit.

36. Objicies secundò: Respectu ejusdem virtutis non semper illud peccatum est magius, quod opponuntur perfectiori actui ipsius virtutis: Ergo nec respectu diversarum illud erit semper gravius, quod contrariatur virtuti nobiliori. Consequientur videtur perspicua à paritate rationis: Antecedens probatur. Diligere inimicos ex charitate, perfectior actus est, quām diligere amicos; juxta illud Matth. 5. Si diligitis eos qui vos diligunt, quam mercedem habebitis? Diligite inimicos vestros, &c. Unde egregiè Tertullianus ad Scap. cap. 1. Jubemus diligere inimicos, quoque & orare pro eis qui nos perfecuntur, ut hac sit perfecta & propria bonitas nostra, non communis: amicos enim diligere omnium est, inimicos autem, solorum Christianorum; & tamen odium inimici, minus est peccatum, quām odium amici: Ergo non semper illud peccatum est magius, quod opponitur perfectiori actui aliquius virtutis.

37. Confirmatur: Eidem virtuti & secundū cunudem actum opponuntur distincta & inæqualia peccata; v.g. liberalitati, cuius actus est dare quod oportet, opponitur per excessum peccatum prodigalitatis, quae dat plusquam oportet, & per defectum peccatum avaritiae, quae dat minus quā opert: Ergo major vel minor gravitas horum peccatorum non sumitur ex oppositione ad virtutem.

38. Ad objectionem respondeo negando Antecedens. Ad cuius probationem dicendum est ex doctrina D. Thomæ 2. 2. qu. 27. art. 7. dilectionem amici, quantum est ex parte objecti, perfectiore actum esse dilectione inimici: Quia amicus (inquit S. Doctor) & melior est, & magis conjunctus, unde est materia magis convenientis dilectioni: & propter hoc actus dilectionis super hanc materiam transiens meliore est, unde & ejus oppositum est deterius. Ex parte vero rationis diligendi, dico dilectionem inimici aliquo modo preminere dilectioni amici: prīmo quia dilectionis amici (prosequitur S. Thomas) potest esse aliaratio quām Deus; sed dilectionis inimici solus Deus est ratio: secundò quia presupposito quod uterque propter Deum diligatur, fortior ostenditur esse Dei dilectio, que animum hominis ad remotiora extendit, scilicet usque ad dilectionem inimicorum: sicut virus ignis tanto ostenditur esse fortior, quanto ad remotiora diffundit suum calorem &c. Hic autem excessus ex parte solius rationis diligendi, non conductus ad maiorem malitiam actus oppositi:

A quia, oppositio odii proximi cum charitate, non est directe & per se respectu rationis formalis diligendi, quae est divina bonitas, sed respectu boni creati, quod debemus in proximo non odire, quodque est objectum secundarium charitatis.

39. Ad confirmationem dicendum est, quod cùm duo peccata eidem actui virtutis, unum per excessum, & aliud per defectum opponuntur, illud est secundū speciem gravius, quod magis à virtute distat, & cùm illa maiorem habet dissimilitudinem: unde in peccatis oppositis liberalitati, majus peccatum est avaritia, quām prodigalitas; quia cùm ad liberalitatem magis pertineat dare, quām retinere, nimis retinere, quod est avaritia, longius ab illa distat, quām nimis dare, quod est prodigalitas. Quae est expressa doctrina S. Thomæ 2. 2. qu. 119. art. 3. alisque in locis.

40. Ut autem cognoscatur, quodnam ex his peccatis, qua secundū excessum & secundū deficitum eidem virtuti opponuntur, maiorem habeat cum illa contrarietatem, observandum est cum S. Thoma qu. 2. de malo art. 6. in homine dari alias virtutes, qua principalius ordinantur ad refrānandum & compescendum appetitum; quasdam verò, qua ad illum impellendum & confirmandum deserviunt. Primi C generis sunt temperantia, castitas, humilitas, mansuetudo, & aliae hujusmodi, praesertim qua passiones concupisibilis moderantur: secundi verò perseverantia, fortitudo, magnanimitas, & similes; maximè qua sunt circa passiones irascibilis. Illis ergo virtutibus, qua primariò ordinantur ad refrānandum, & compescendum, dissimilius est & magis repugnans peccatum secundū excessum; ut temperantia & castitati magis repugnat intemperantia & luxuria, quām insensibilitas, & humilitati magis dissimilius est superbia, quām pusillanimitas: econtra verò virtutibus, qua sunt ad confirmandum & impellendum, magis dissimilia sunt, & magis repugnat peccatum secundū deficitum, quam secundū excessum. Unde fortitudini magis repugnat timidas, quām audacia, & sic de aliis.

41. Objicies tertio: Sæpe virtuti perfectiori opponitur peccatum veniale, & virtuti minus perfectæ peccatum mortale: Sed quodcumque peccatum mortale superat in gravitate specifica quodecumque veniale: Ergo illud peccatum non est gravius quod perfectiori virtuti opponitur. Major probatur: Veritas seu veracitas, cùm ad partem intellectualem pertineat, nobilior est temperantia, qua in appetitu sensitivo residet; & nihilominus mendacium illi oppositum, solum est ex genere peccatum veniale, plura vero peccata opposita temperantia sunt mortalia: Ergo virtuti perfectiori interdum opponitur peccatum duntaxat veniale; virtuti vero minus perfectæ, peccatum mortale.

42. Respondeo primò negando Majorem. Ad cuius probationem dicendum peccata contra temperantiam non habere quodlibet mortalia ex sola oppositione ad ipsam temperantiam, ut supra ostendimus, sed quae simul includunt oppositionem ad justitiam, qua est perfectior virtus quā veritas, aut veracitas.

43. Respondeo secundò, quod cùm D. Thomas comparat peccata inter se, & docet ea esse majora, quæ nobiliori virtuti opponuntur, debet intelligi supposito quod eodem modo pro-

cedant; sicut in habitibus intellectualibus ille est nobilior, qui habet nobilius objectum, supposito quod eodem modo, hoc est vel scientificè, vel opinativè, uterque procedat; si enim unus habitus procedat modo scientifico, & alter opinativo, quamvis hic posterior versetur circa nobiliorem materiam, non tamen erit perfectior, quia habet diversum & imperfectiorum modum procedendi: unde cum peccatum mortale & veniale habeant longè diversum modum procedendi (mortale enim ponit inordinationem circa finem, veniale solum circa media) quamvis veniale contrarietur nobiliori virtuti, non ideo erit gravius quam mortale.

Dico secundò: in equalitatē accidentalē in peccatis, sumi ex circumstantiis non mutantibus speciem.

Probatur: Inequalitas accidentalis in peccatis sumi debet ex his quae se habent accidentally ad actum in esse moris spectatum: Sed circumstantia non mutant speciem, accidentally se habent ad actus humanos in esse moris spectatores; sunt enim veluti quædam illorum accidentia eos sufficientia, v. g. in furto, hoc quod est rapere alienum, se habet per modum essentia, sed quod sit magnum vel parvum, se habet per modum circumstantie & accidentis: Ergo inequalitas accidentalis in peccatis, sumitur ex circumstantiis non mutantibus speciem, sed intra eandem speciem aggravantibus. Videantur quæ diximus in tractatu de moralitate actuum humorum disp. 3. art. 2.

Quarunt hic aliqui, an peccatum quod ex objecto, & secundum speciem, est minus grave, possit ratione circumstantiarum adeo crescere in malitia, ut supereret vel adæquet peccatum ex objecto gravius? Est autem sermo de circumstantiis aggravantibus intra eandem speciem; quia de circumstantiis quæ speciem peccati mutant, dubium non est, quin ratione earum peccatum ex objecto levius, possit superare aliud gravius ex objecto, ut si furto, quod ex suo objecto est levius quam rapina, superaddatur circumstantia loci sacri, quæ transfert illud in speciem sacrilegij, majus peccatum erit, quam rapina.

Pro resolutione hujus difficultatis, advertendum est, duplicitate nos posse loqui de peccatis, metaphysicè scilicet, considerando eorum essentiam, speciem, & quidditatem; & moraliter, judicando de illis secundum prudentis estimationem & appreciationem. Hoc posito

Dicendum est primò, quod si loquamur de gravitate peccatorum metaphysicè, peccatum ex objecto levius, quantumcumque malitia ipsius crescat ratione circumstantiarum aggravantium intra eandem speciem, nequit superare vel adæquare peccatum gravius ex objecto. Ratio est, quia nulla forma quæ essentialiter est constituta in gradu inferiori, quantumcumque intra suum gradum & speciem crescat, potest pertingere ad gradum formæ essentialiter superioris, alias talis forma amitteret proprium gradum essentiali, & seipsum defrueret: v. g. nigredo, quantumcumque intendatur, nunquam pertinet absoluè loquendo ad perfectionem albedinis; nec actus humilitatis, vel temperantiae, ad perfectionem actus religionis, aut charitatis: Sed malitia peccati levioris ex objecto, essentialiter est constituta in gradu inferiori: Ergo quantumcumque intra suum speciem crescat, nunquam pertinet, metaphysicè loquen-

Tom. III.

A do, ad malitiam peccati ex objecto gravioris. Unde D. Thomas qu. 2. de malo art. 8. in corp. ait quod semper major est gravitas, que est ex peccati specie, quam que est ex circumstantia speciem non constitente.

Dicendum est secundò, si loquamur de gravitate peccati moraliter, & de illa judicemus secundum viri prudentis estimationem & appreciationem, peccatum ex objecto levius, potest ratione circumstantiarum intra eandem speciem ita crescere, ut adæquet vel supereret gravitatem peccati ex specie & objecto gravioris.

Probatur: Nam in communi hominum estimatione, & secundum judgmentum viri prudentis, occidere mille viros, aut deprædari bona torius reipublicæ, censetur peccatum simpliciter gravius, & majori penâ puniendum, quam aliquod perjurium, aut blasphemia, licet ista ex objecto & specie sint graviora.

Confirmatur & illustratur hoc exemplo: Licet aurum ex sua specie, & physicè loquendo, sit majoris valoris & perfectionis quam argentinum; in individuo tamen potest ita multiplicari quantitas argenti, ut moraliter loquendo, & secundum estimationem hominum, majoris sit valoris quam parva quantitas, v. g. uncia auri. Ita ergo similiter, quamvis perjurium sit gravius ex sua specie, quam homicidium, & semper sit tale, metaphysicè loquendo, moraliter tamen, & attensis circumstantiis, aliquod homicidium poterit esse absolute gravius, & majori penâ dignum, quam unum perjurium; putâ si persona occisa sit maxima dignitatis, vel utilitatis in republica, aut si plures occidentur, & aliunde perjurium ex inconsideratione, metu, & aliis circumstantiis allevietur, quamvis rationem peccati mortalis non amittat.

DISPUTATIO V.

De subjecto peccatorum.

Ad questionem 74. Divi Thome.

CONSIDERATA essentiâ, & distinctione peccatorum, corumque inequalitate & gravitate, consequens est, ut eorum subjectum investigemus, & in quibus potentissimis formaliter & intrinsecè residant, breviiter declaremus. Unde sit

ARTICVLVS PRIMVS.

Vtrum non solum in voluntate, sed etiam in aliis potentissimis à voluntate motis, sit formaliter & intrinsecè peccatum?

S. I.

Premittitur quod apud omnes est certum, & difficultas resolvitur.

CERTVM est, peccatum, utpote actum liberum & voluntarium, in voluntate ut in propria sede & principali subjecto & principio residere, juxta illud Augustini lib. 1. retract. cap. 9. *Voluntas est quæ peccatur, & recte vivi.*

Ecc iij